



Reglament da lavurs per commembers activs (cun licenza) dall'Uniun sportiva Danis-Tavanasa

1 Principi

L'Uniun sportiva Danis-Tavanasa surdat a ses commembers activs (cun licenza) singulas incaricas pil bien dall'uniun. Per saver tener equilibrer ellas finanzas dall'uniun eisi necessari, da recaltgar daners cun ulteriuras occurenzas. Denton saver occupar tut las incaricas cun persunas ordvart il club ei buca pli pusseivel. Aschia ston las incaricas e lavurs da manteniment vegnir repartidas per gronda part sils commembers activs.

2 Organisaziun

La radunonza generala extraordinaria dils 07-03-2014 ha approbau la proposta dalla suprastonza da metter en funcziun differentas gruppas da lavur e manteniment. La suprastonza surdat las incumbensas e survigilescha las lavurs dallas gruppas.

Las gruppas da lavur ein organisadas sco suonda ed han las suandontas incumbensas:

- *gruppa da manteniment per ils plazs da ballapei Isletta e Mutteins*

organisaziun	suprastonza
	cau dalla cumissiun tecnica
	cau tgiraplaz
incumbensas	segar il pastget sils plazs sco era il contuorn
	transport dil rufid verd sin deponia on serenera Sorts
	bugnar regularmein ils plazs da ballapei
	metter grascha (Dünger)
	organisar il far ruosnas/verticutar
	nudar giu las lingias dils plazs tenor ordinaziun OFV/SFV
	manteniment da maschinas ed apparaturas
	tener uorden en garascha e cun uaffens
	decisiun en cass da malauras ensemen cun suprastonza
	menar gliesta dallas uras prestadas
	menar plan da service per maschinas

- *gruppa da manteniment per l'infrastructura*

organisaziun	suprastonza
	actuar / vicepresident
	cau infrastructura
incumbensas	manteniment dils locals dil club a Mutteins e la stanza da sescumiar Isletta
	remplazzament dils pèrs da cazzola als candalabers e tabla da resultads
	Reparaturas vid las seivs da ghitter entuorn il plaz
	manteniment dallas garderobas da reserva
	mantener e reparar ils gols
	montar e demontar tablas da reclama
	tener uorden en garascha e cun uaffens
	menar gliesta dallas uras prestadas

- *gruppa per l'organisaziun dad occurenzas*

organisaziun	suprastonza
	president
	cau occurenzas
incumbensas	organisaziun dil lotto
	organisaziun dil marcau da silvester
	organisaziun dil di da skis
	organisaziun dad ulteriuras occurenzas sin incarica dalla suprastonza
	menar gliesta dallas uras prestadas

- *gruppa per l'organisaziun da turniers*

organisaziun	suprastonza
	president / coach G&S
	cau da turniers
incumbensas	organisaziun dil turnier da premis
	organisaziun dil turnier da notg
	organisaziun dils turniers da juniors (GKB-Cup, OFV, Menzli-Cup)
	menar gliesta dallas uras prestadas

- *gruppa per l'organisaziun da traffic e segirtad*

organisaziun	suprastonza
	president
	cau da traffic
incumbensas	manteniment dil parcadi a Mutteins
	organisaziun dil traffic ad occurenzas dil club
	montar e demontar las tablas da traffic
	menar gliesta dallas uras prestadas

La suprastonza sa en atgna cumpetenza formar ulteriuras gruppas da lavur e manteniment tenor basegna ni purschida.

3 Sistem

Sper la contribuziun annuala dils commembers activs (cun licenza) vegn adossau a mintgin ina contribuziun fictiva da lavur en rama da frs. 100.00 – frs. 400.00. Quella summa fictiva sa il commember luvrar giu cun differentas lavurs ni incaricas. Mintga lavur vegn bonificada tenor punct 3 da quest reglament.

Vegn la summa fictiva buca luvrada giu dil tuttafatg, vegn la differenza tschentada a quen ensem cun la contribuziun annuala digl onn sunter. Tgi che lavura denton giu dapli che dau avon fictivamein, survegn bonificau il surpli, denton maximalmein la mesadad dalla contribuziun annuala digl onn sunter.

Commembers dalla suprastonza, commembers d'honor e commembers libers ein deliberai da quei sistem. Medemamein ein funcziunaris e trenaders senza ina licenza valeivla deliberai da quei reglament.

4 Bonificaziuns

- *gruppas da manteniment e lavur*

manteniment plazs da ballapei	per ura	frs.	10.00
manteniment infrastruttura	per ura	frs.	10.00
organisaziun da traffic e segirtad	per ura	frs.	10.00

- *organisaziun dad occurenzas*

Lotto	per ura	frs.	10.00
marcau da Silvester Breil	per ura	frs.	10.00
cuorsa da skis dil club	per ura	frs.	10.00

- *organisaziun da turniers*

turnier da notg	per ura	frs.	10.00
turnier da juniors	per ura	frs.	10.00
turnier da premis	per ura	frs.	10.00

Las lavurs che vegnan fatgas durant ils turniers, priu ora arbiter als turniers da juniors, valan buca sco uras da lavur el senn da quei reglament. Quellas uras crodan sut il factur dalla recreaziun persunala.

- *ulteriuras bonificaziuns*

arbiter a giugs da juniors D	per ura	frs.	10.00
lavor cumina sils plazz da ballapei	per ura	frs.	10.00
incasso d'aspectatur	per ga	frs.	10.00
lavor administrativa	per ura	frs.	10.00
absenzas buca perstgisadas (rad. generala, occurenzas, eav.)	per ga	frs.	-20.00
absenzas buca perstgisadas (arbiter da juniors)	per ga	frs.	-50.00

Tier occurenzas specialas buca fixadas en quest reglament fixescha la suprastonza ils puncts da bonificaziun. La suprastonza ei cumpetenta da decider en cass da dubis sco era sur dall'indemnisaziun da persunas engaschadas d'ordvart l'uniun.

5 Lavur sco trenader

In engaschament sco trenader da juniors ni dad ina equipa activa excluda in adossament dalla summa fictiva, pia vegn l'entira summa maximala fixada gia contonschida. Tier ils gidonters/assistents dils trenaders sereducescha la summa fictiva en proporziun tenor ils trenaments e giugs absolvi durant la sesiun.

6 Rapports da lavur

Ils caus dallas gruppas da manteniment e lavur ein responsabels da tschentar ensemen las uras prestadas da lur persunas en gruppa. Ils rapports da lavur ein d'inoltrar regularmein al responsabel consuprastont.

Ils trenaders responsabels ein obligai da menar ina gliesta da presenza da lur gidonters/assistents sco era dils juniors/giugadurs ch'ei separicipai a trenaments ni giugs.

7 Vigur legala

Quest reglament da lavurs per commembers activs (cun licenza) va en vigur cun la radunonza generala dall'Uniun sportiva Danis-Tavanasa dils 20 da zercladur 2014.

Sur da midadas ni amplificaziuns da quest reglament decida sulet la radunonza generala.

Tavanasa, ils 20 da zercladur 2014

UNIUN SPORTIVA DANIS-TAVANASA

Il president

Michel Brunner

Il vicepresidente

Sandro Cathomas

Il cau da finanzas

Carla Caduff

Il cau dalla cumissiun tecnica

Edvin Cathomas

Il coach G&S

Ivo Fry